

გორის მუნიციპალიტეტის საკრებულოს წევრის ლიანა ოქროპირიძის

2022 წლის 1 ოქტომბრიდან 2023 წლის 1 ნოემბრამდე ჩათვლით გაწეული საქმიანობის

ანგარიში

2022 წლის 1 ოქტომბრიდან 2023 წლის 1 ნოემბრამდე დავესწარი გორის მუნიციპალიტეტის საკრებულოს 20 სხდომას და მონაწილეობა მივიღე 318 საკითხის განხილვაში.

გაერთიანებული ვარ ფრაქცია „ქართული ოცნება-დემოკრატიულ საქართველოში“. დავესწარი ფრაქციის 7 სხდომას და მონაწილეობა მივიღე -94 საკითხის განხილვაში.

ასევე, დავესწარი გორის მუნიციპალიტეტის საკრებულოს ჯანდაცვის, განათლების, სპორტის, კულტურის და სოციალურ საკითხთა კომისიის - 13 სხდომას, სადაც განხილული იქნა- 29 საკითხი.

ასევე, დავესწარი გორის მუნიციპალიტეტის საკრებულოს სივრცით-ტერიტორიული დაგეგმარების და ინფრასტრუქტურის საკითხთა კომისიის- 15 სხდომას, სადაც განხილული იქნა- 84 საკითხი.

ვარ გორის მუნიციპალიტეტის გენდერული თანასწორობის საბჭოს წევრი, რომლის ფარგლებშიც მთელი წლის პერიოდში ვესწრებოდი გასვლით საინფორმაციო და სხვადასხვა სამუშაო შეხვედრებს, ვგეგმავდით და ვახორციელებდით რიგ პროექტებს.

აქტიურად ვხვდებით მოსახლეობის სხვადასხვა ჯგუფებს, ვინიშნავთ მათ პრობლემებს რათა საკრებულოს წევრებმა მოვახდინოთ მათი ინიცირება.

მიმდინარე წელს ჩემი ინიციატივით სოფელ ბერშუეთში ერთ-ერთ ქუჩას ეწოდა გამოჩენილი ექიმი, ოფთალმოლოგის გიორგი ტარსაიძის სახელი. ამ ეტაპზე შეტანილი მაქვს ინიციატივა, სოფელ ხელთუბანში ერთ-ერთ ქუჩას თედო რაზიკაშვილის სახელის მინიჭების თაობაზე.

შეხვედრა მქონდა გორისა და სამთავისის ეპარქიის სასულიერო პირებთან მუნიციპალიტეტში მცხოვრები მოსახლეობის სახლების კურთხევისთან დაკავშირებით. მოხდა გარკვეული პრობლემების მოგვარებაც.

მოსახლეობის თხოვნით გაკეთდა სამეფოს ქუჩის სამეფოს ქუჩის N40 სანიღვრე არხი, იგეგმება ეზოს მოპირკეთება და ხის გადაბეღვა. ასევე დაგეგმილია სამეფოს ქუჩაზე გაზონების გამწვანება.

მშვიდობის ქუჩის მაცხოვრებლების მოთხოვნით იგეგმება მუნიციპალური ავტობუსის დამატება.

ვესწრებოდი გორის ტურიზმის ცენტრში მოწყობილ სხვადასხვა ღონისძიებებს. კერძოდ: ავთანდილ ჩხეიძის დაბადებიდან 100 წლისთავისადმი მიძღვნილი წიგნის განხილვა: უმაღლესში ჩარიცხულ 100%-იანი გრანტის მფლობელთა დაჯილდოება; პრეზენტაციებს და დისკუსიებს სხვადასხვა საკითხებთან დაკავშირებით.

როგორც საკრებულოს წევრი დავესწარი ტრეფიკინგის წინააღმდეგ ბრძოლის წინააღმდეგ გამართულ შეხვედრას.

მონაწილეობა მივიღე იგპ „თანხმობის“-მიერ ორგანიზებულ შეხვედრაში „ქალები მშვიდობისა და უსაფრთხოების“ თემაზე.

დავესწარი სახელმწიფოს მიერ დაფინანსებული სოციალური საწარმოების გახსნას.

მიმდინარე წელს ვესწრებოდი გორის მუნიციპალიტეტის სტრატეგიული განვითარების სააგენტოს მიერ დაგეგმილ შეხვედრებზე, სამოქალაქო ბიუჯეტების პროგრამის ფარგლებში.

მუნიციპალიტეტის მიერ განხორციელებულ საზაფხულო ბანაკის პროექტის ფარგლებში ვესტუმრე ბანაკს და გავეცანი ახალგაზრდების მოსაზრებებს.

ამასთან ერთად აქტიურად ვარ ჩართული მუნიციპალიტეტის როგორც საკრებულოს მუდმივმოქმედი კომისიების, ასევე მერიის სამუშაო ჯგუფების საქმიანობაში. გარდა ამისა აქტიურად ვმონაწილეობ საკრებულოს ფრაქცია „ქართული ოცნება - დემოკრატიული საქართველოს“ მუშაობაში. ჩართული ვარ მუნიციპალიტეტის 2024 წლის ბიუჯეტის დაგეგმვაში და პრიორიტეტების დოკუმენტის შემუშავებაში.

გორის მუნიციპალიტეტის საკრებულოს წევრის ლიანა ოქროპირიძის

ამომრჩევლებთან შეხვედრის დამადასტურებელი

ოქმი

ქ.გორი

2023 წლის 19 ოქტომბერი

სხდომას ესწრებოდნენ :

საკრებულოს თავმჯდომარის მოადგილე: ბექა ლობჯანიძე

ფრაქცია „ქართული ოცნება - დემოკრატიული საქართველო“- ფრაქციის თავმჯდომარე: კობა ბერიანიძე;

საკრებულოს წევრი: ლიანა ოქროპირიძე

სხდომას ასევე ესწრებოდნენ: გორის მუნიციპალიტეტის ცენტრის ადმინისტრაციული ერთეულის მოსახლეობა და საკრებულოს აპარატის უფროსი სპეციალისტი ირინა შენგელია.

სხდომას თავმჯდომარეობდა: საკრებულოს თავმჯდომარის მოადგილე- ბექა ლობჯანიძე.

დღის წესრიგი

საკრებულოს წევრის ლიანა ოქროპირიძის 2022 წლის 1 ოქტომბრიდან 2023 წლის 1 ნოემბრამდე გაწეული მუშაობის შესახებ ანგარიში

სხდომის თავმჯდომარემ დამსწრე პირებს წარუდგინა საკრებულოს წევრი ლიანა ოქროპირიძე და გააკეთა განმარტება, რომ საკრებულოს ყველა წევრი ვალდებულია წელიწადში ერთხელ მაინც, არაუგვიანეს 1 ნოემბრისა, ამომრჩეველს წარუდგინონ ანგარიში გაწეული მუშაობის შესახებ, ანგარიშის განხილვისას უპასუხონ ამომრჩეველთა მიერ დასმულ შეკითხვებს.

სხდომის დღის წესრიგის მიხედვით სიტყვა გადასცა საკრებულოს წევრს ლიანა ოქროპირიძეს, რომელმაც დეტალურად ისაუბრა 2022 წლის 1 ოქტომბრიდან 2023

წლის 1 ნოემბრამდე გაწეული საქმიანობის შესახებ. აღნიშნა ის გამოწვევები და სიკეთეები რაც თან ახლდა მოსახლეობის პრობლემების მოგვარებას. მოსახლეობის მხრიდან დაისვა შეკითხვები, რომლებიც ძირითადად ეხებოდა ინფრასტრუქტურულ პროექტებს და სოციალურ პრობლემებს. საკრებულოს წევრმა ლიანა ოქროპირიძემ აღნიშნა, რომ აქტიურადაა ჩართული მუნიციპალიტეტის 2024 წლის ბიუჯეტის პროექტის შედგენის და პრიორიტეტების დოკუმენტის მომზადებაში, სადაც ასევე იქნება მოსახლეობის ის პრობლემები ასახული რომლის გაკეთებაც ვერ მოხერხდა ამ წლის ბიუჯეტიდან.

აზრი გამოთქვას: ბექა ლობჯანიძემ, მარინე ჭარუაშვილმა და ნუნუ ნუცუბიძემ.


გადაწყვიტეს: პრობლემების გამოვლენის და აღმოფხვრის მიზნით გაიზარდოს მოსახლეობის ჩართულობა, რისთვისაც უფრო სისტემატიური ხასიათი მიიღოს საკრებულოს წევრების და ამომრჩევლების ურთიერთშეხვედრებმა და ურთიერთთანამშრომლობამ.

სხდომის თავმჯდომარე:



ბექა ლობჯანიძე

საკრებულოს წევრი:



ლიანა ოქროპირიძე